

# Մասիս լերան մասին արաբական գրոյցը

Ա. ՏԵՐ ՂԵՒՈՆԴԵԱՆ

Հայկական լեռնաշխարհի խորհրդաւոր բարձունքը՝ Մասիս լեռը դարերի ընթացքում նիւթ է դարձել բազում զրոյցների, ո-րոնց շարքում իր ուրոյն տեղն ունի արար մատենագրութեան էջե-րում դեռ Ժ. դարից պատմուող այն հետաքրքրական աւանդու-թիւնը, ուր Մասիս լերան հետ միացուում է Արաքսի մասին զրոյցը:

Մասիսը քաջ յայտնի էր արաբներին, որոնք Մեծ Մասիսը կոչում էին Հարիս, իսկ Փոքրը՝ Հուայրաս (Հարիսիկ): Բատ Ժ. դարի աշխարհագրագէտ Իսթախիրի Հիարիլի (Դուխնի) մօտ կայ մի մեծ լեռ, որը կոչում է ալ-Հարիս. սրա գաղաթը բարձրանալ հնարաւոր չէ, բարձրութեան եւ ճանապարհի դժուարութեան պատ-ճառով, իսկ ճիմը նրա վրայ միշտ կայ: Նրանից ցածր կայ մի փոքր լեռ, որը կոչում է ալ-Հուայրաս: Հարիսից են բխում (այդ երկրի) բազում ջրեր եւ նրա վրայ են փայտ կտրելու (անտառնե-րը) եւ որսատեղերը: Ասւում է, որ այս կողմերում նրանից առելի բարձր լեռ չկայ» (1):

Նոյն դարի աշխարհագրագէտ Իպն Հառուկալը արդէն մի հե-տաքրքրական զրոյց է հաղորդում Մասիս լերան եւ Արաքս գետի մասին: «Սա ալ-Խասն է եւ բարձրեալն Ալլահը յիշել է (Ղուրա-նում) նրա ժողովրդի եւ նրա նկատմամբ իր արածը: Եթէ մէկը կարողանայ ուշադիր նայել անցնելով նրա երկու կողմերով Վար-սան (Վարդանակերտ) քաղաքից դէպի վերեւ եւ դէպի վայր, ապա կը տեսնի քաղաքների աւերակներ, որոնք քանդուել են, փլուել, մի քանիսը խորտակուել եւ գլխիվայր չուռ են եկել, հաստատելով

1) Bibliotheca Geographorum Arabicorum, I, 191.

բարձրեալն Ալլահի խօսքերը՝ Աղն ու Սամուզը եւ աշ-Ռասի բնակիչները, բազում սերունդներ կան նրանց եւ մեր միջեւ։ Բոլորին օրինակներ տուեցինք եւ բոլորին կործանման ենթարկեցինք» (2)։

Ժ. դարի աշխարհագրագէտ Մուկատատակին նոյն բանը կըրկնելով աւելացնում է, որ Հարիսը եւ Հուայրասը Թափփից (Արաբիայից) են բերուած։

«Հարիսը մահմետական երկրներում բարձր լեռ է եւ որի դագաթը ոչ ոք կարող է բարձրանալ։ Ասում են, որ նա Հուայրասի հետ միասին Թափփի լեռներից էր, իսկ աշ-Ռաս գետի վրայ եղել է հազար քաղաք, որոնք այժմ նրանց երկուսի տակ են գտնըւում» (3)։ Այս զբոյցը քաջ ծանօթ է նաև նոյն դարի մատենագիր Մասուտիին, որը, ի միջի այլոց, յիշում է այն։

ԺԳ. դարի նշանաւոր աշխարհագրագէտ Եազուտը ի մի բերելով եղած զբոյցները, իր աշխարհագրական բառարանի մէջ Մեծ եւ Փոքր Մասիսների մասին դրում է։

«Հայաստանի մէջ երկու լեռներ են, որոնց վրայ են գտնւում Հայաստանի թագաւորների շիրմները իրենց գանձերով։ Ասում են, թէ Բլինիսա իմաստունը կախարդել է այդ լեռները, որպէսզի մարդիկ չկարողանան վերեւ բարձրանալ։ Մատաինին ասում է, որ Հարիսը եւ Հուայրասը, որոնք Դարիլի (Դուինի) մօտ են գտնւում, իրենց անունն ստացել են Հուայրաս Իպն Օդպայից եւ Հարիս Իպն Ամրուից, որոնք Սալման Իպն Ռապիայի հետ Հայաստան են եկել եւ նրանք առաջինն են, որ մուտք գործեցին այդ լեռները, որոնք կոչուեցին նրանց անուններով։

«Իպն աշ-Ֆաքիհը պատմում է, թէ Հայաստանում Արաքսի եղերքին հազար քաղաք կար եւ Ալլահը նրանց ուղարկեց մի մարդարէ Մովսէս կոչուած (բայց ոչ Ամրանի որդի Մովսէսին), որպէսզի նրանց իր հաւատքին հրատիրի։ Բայց նրանք մերժեցին ու քարկոծեցին նրան եւ նրա հրամանն անսաստեցին։ Նա էլ անիծեց նրանց եւ Ալլահը նրանց վրայ շրջեց Հարիսն ու Հուայրասը եւ ասում են, թէ այդ բնակիչները թաղուած են նրանց տակ» (4)։

Սրա շարունակութիւնն է Եազուտի մի ուրիշ հատուածը Արաքսի մասին. «Պատմում են, թէ աշ-Ռասի շուրջը հազար քաղաք

2) Opus Geographicum auctore Ibn Hauqal. Lugd. Bat., 1938, II, 345.

3) Bibl. Geogr. Arab., III, 380.

4) Jacut's Geographisches Wörterbuch, Leipzig 1924, II, 183. Հ. Կալրանդեան, Արաքսիան աղքիւրմերը Հայաստանի եւ հայերի մասին, Երևան, 1965, էջ 51։

դոյութիւն ունէր : Ալլահը նրանց ուղարկեց Մովսէս անունով մի մարդարէ, որը տարբեր է Ամրանի որդի Մովսէսից : Սա հրաւիրեց նրանց Ալլահի հաւատքին, բայց նրանք չհաւատացին նրան, ուրացան եւ դէմ զնացին նրա հրամաններին : Այդ ժամանակ մարդարէն անիծեց նրանց եւ Ալլահը Հարիսն ու Հուայրասը փոխադրեց Թափից դէպի Առան եւ նրանց տակ թաղուեցին աշխատանք : Ապա եագուտը աւելացնում է .

«Աշ-Ռասը ոռողում է Պալասաջանի դաշտային շրջանը, որը երկարում է գետի ափերի վրայ, սկսելով Պարզանդից դէպի Պարզա երկարող գծից մինչեւ ծովը եւ ընդդրկում է Վարսանը (Վարդանակերտ) եւ Պայւականը : Այդ դաշտային շրջանում հինգ հազար գիւղեր կային եւ այժմ մեծ մասամբ աւերակ են, միայն պատերն ու շինքերը մնում են տակաւին եւ չեն այլայլուած հողի ընտիր որակի շնորհիւ : Ասում են, թէ աշ-Ռասի մարդիկ սերած են Գողիաթից եւ բնաջնջուեցին Դաւթի ու Սողոմոնի ձեռքով, երբ դադարեցին հարկ վճարելուց : Գողիաթն էլ սպաննուել է Ուրմիայում» (5) :

Մասիս լերան ու Աբաքսի մասին այս արարական զրոյցը երկու աղբիւր ունի՝ հայկական եւ արարական, որոնց միաձուլումից է առաջացել :

Մասիսը հնագոյն ժամանակներից զրոյցների նիւթ է դարձել Հայաստանում : Մովսէս Խորենացու մօտ յիշում է, որ Հայոց Տիգրան արքան Մարաց թագաւոր Աժդահակին յաղթելուց յետոյ, նրա առաջին կնոջ Անոյշին գերիների հետ միասին բնակեցնում է Մասիս լերան մերձակայքում . «Բայց վերը յիշուած Անոյշ կնոջ եր որդիներով հանդիսաւ բնակեցնում է Մեծ լերան վլուածքի վերջում : (Այս վլուածքն, ասում են, առաջ է եկել մի ահագին երկրաշարժից . այս բանը պատմում են այն մարդիկ, որոնք Պտղոմէոսի հրամանով ընդարձակ ուղեւորութիւններ կատարելով, ասպարէզներով չափեցին մարդկանց բնակութեան տեղերը, մասամբ նաեւ ծովը եւ անբնակ վայրերը Այրեցեալ դօտուց մինչեւ Քիմիւռոն) : Իսկ Անոյշին սպասաւորներ տալիս է նոյն այն մարդկանցից, որ յերան ստորոտում բնակուեցին» (6) :

(Բայց զնախասացեալ կինն Անոյշ բնակեցուցանէ որդւովք

5) Jacut, II, 778. Նալբամդեան, Արարական աղբիւրները, էջ 69:

6) Մովսէս Խորենացի, Հայոց Պատմութիւն, թարգմ. Ստ. Մալխանեամի, Երևան, 1940, Գիրք Ա., գլուխ 1.:

իւրովք յանդորրութեան սպառուածի փլածին Մեծի լերինն : (Զորմէ լեալ ասեն յահագին իմն շարժմանէ , որը պատմեն՝ որք բարձաշրջութեամբ հրամանաւ Պաղպմեայ ասպարիսօք զբնակութիւնս մարդկան չափեցին , այլ եւ մասն ինչ գծով եւ զանքնակս յայրեցածէն մինչեւ ցՔիմիւռոն) : Իսկ Պաշտօնեայս աայ Անուշայ ի նոյն Մարաց որ առ ոտամբ լերինն բնակեցան) (7) :

Ապա Խորենացին աւելացնում է , որ իր պատմածը վերաբերում է այն վիշապներին , որոնք ասլրում են Ազատն ի վեր Մասիսի վրայ :

Մովսէս Խորենացու մօտ յիշուած է այն ահագին երկրաշարժից առաջացած փլուածքը Մեծ լերան (Մասիսի) լանջին , որը արարական զրայցի մէջ վերածուել է հազար աւերակ քաղաքների , որոնց Մեծ եւ Փոքր Մասիսները ծածկել են : Մասիսը եւ նրա շըրջակայքը միշտ էլ ենթակայ են եղել ուժեղ երկրաշարժերի եւ հրաբխային ժայթքումների , որոնցից վերջինը տեղի է ունեցել 1840 թուին , կուլ տալով Ակոռի գիւղը եւ Ս . Յակորի վանքը : Բնականարար այսպիսի ահագին երկրաշարժեր եղել են նաեւ հնագոյն ժամանակներում , որոնց հետեւանքով շատ բնակավայրեր կուլ են զնացել : Խորհրդաւոր լեռը իր քաջքերի միջոցով խլում էր մարդկանց եւ տանում ոչնչացնում : Հայոց արքայ Արտաշէսը անիծելով իր Արտաւազդ որդուն , ասում է :

«Եթէ դու յորս հեծցիս յԱզատն ի վեր ի Մասիս , զքեզ կաւցին քաջք , տարցին յԱզատն ի վեր ի Մասիս , անդ կայցես եւ զլոյս մի տեսցես» (8) :

Խորենացու մօտ յիշուած յոյն նշանաւոր աշխարհակրագէտ Պաղպմէսոս Կլաւախոսի փոխարէն Եազուտը տալիս է Բլինիս իմաստումի անունը : Վերջինս յունարէն Աբոլոնիոս անուան աղաւաղումն է , որի էութիւնը գեռ ճշդուած չէ (9) : Այս անուամբ մահմետական մատենագրութեան մէջ յայտնի է երկու անձնաւորութիւն՝ Աբոլոնիոս Պերգացին (200 Ն . Ք .) եւ մի իմաստուն , որի անձնաւորութիւնը յայտնի է դարձել Աբոլոնիոս Կապաղովկիացու (Ա . դար Ն . Ք .) մասին դոյութիւն ունեցող յունական աւանդութեան շնորհիւ : Արաբ մատենագիրները այս աւանդական անձնաւորու-

7) Մովսէսի Խորենացոյ Պատմութիւն Հայոց , էջմիածին - Տփդիս , 1913 , Գիրք Ա . , գլուխ Լ . (Ա .) :

8) Խորենացի , Գիրք Բ . , գլուխ ԿԱ . :

9) M. Plessner , Balinus , Encyclopédie de l'Islam , t. I , Leyde - Paris , 1960 , p. 1024.

թիւններին կոչում են իմաստուն (հաքիմ) եւ թալիսմանների տէր։ Ըստ Եազուտի այս Բլնիասը Պարսից Կաւատ արքայի հրամանով կախարդել էր նաեւ Վանայ լիճը, այնպէս որ մինչեւ այսօր տարսայ մէջ տասը ամիս այստեղ ձուկ չի լինում (10)։

Մասիսը կամ Արարատը հին աշխարհում ծանօթ լեռ էր եւ մանաւանդ Աստուածաշնչում, ուր յիշում է, որ Ասորեստանի Սենեքերիմ թագաւորի որդիները՝ Արքամելէք եւ Սարասար «գնացին փախստական ի Հայս յերկիրն Արարատայ» (11)։

Հայաստանում Մասիսը յայտնի էր որպէս վեհանիստ եւ աշազու լեռ։ Վաղարշապատում եկեղեցիների շինարարութեան ժամանակ իր «Խողացեալ» վիճակից Գրիգոր Լուսաւորչի ձեռքով նոր բուժուած Տրդատ արքան անձամբ հսկայական քարեր բերեց Մասիս լերան վրայից։ «Եկաւ թագաւորը հրաժեշտ խնդրեց Սուրբ Գրիգորից եօթնօրեայ ճանապարհ գնալու բարձր լեռ Մասիսն ի վեր։ Այնտեղ լերան գլխից առնելով կարծր, անտաշ, անկոփ, խոշոր, ծանր, երկայն, հաստ եւ մեծամեծ քարեր, որոնցից մէկը ոչ ոք չէր կարող շարժել, թէկուզ եւ մարդկանց բազմութեան հետ։ Արդ, հսկայազօր թագաւորը հայկաբար վերցնելով ութ քար, դրեց իր թիկունքի վրայ եւ բերեց տաճարների վկայարանները։» (Եւ եկն թագաւորն խնդրեաց հրաժեշտ ի Սրբոյն Գրիգորէ եօթնօրեայ ճանապարհ կալեալ ի վեր ի բարձր լեառն ի Մասիս։ Եւ անտի ի գըլխոյ լեռնէն առեալ վէմս արաստոյս, անտաշ, անկոփս, յաղթս, ծանունս, երկայնս, ստուարս եւ մեծամեծս, որ զմի մի ոչ ումեք լինէր հնար, թէ եւ դիպելոյ բազմութեան ի մարդկանէ՝ զայն շարժել, արդ՝ առեալ սկայալորն հայկաբար զութ արձանոն՝ ի վերայ իւրոյ թիկանցն զայն գնէր եւ ըստանձնեալ բերէր ի վկայարանս տաճարացն) (12)։

Մասիս լերան ժաման հայկական զրոյցը անցնելով արաբական միջավայրը, լրացուել է նոր նիւթերով։ Ելնելով Արաքսի արաբական ար-մաս (արտասանուում է առաս) ձեւից, արաբները այն կապել են Ղուրանի որոշ նիւթերի հետ, որտեղ նոյն անունն է յիշում։ Խօսելով Ալլահի ուղարկած մարդարէներին ամբարիշտ մարդկանց կողմից չընդունուելու ժաման, Ղուրանում ասում է.

10) Jacut, I, 513.

11) Ես. լե, 38:

12) Ագաբ-անգեղայ Պատմութիւն Հայոց, իշմիածիմ-Ցիւղիս, 1909, պարբերութիւն 767։

«Նոյի ժողովուրդը, ալ-Ռասի մարդիկ (اصحاب الرس ) Սա-  
մուսը ( دعا ) Ատը ( عاد ) վարաւոնը եւ Ղովտի եղբայրները,  
բոլորը սուտ հանեցին մարդարէներին» (13) :

Ապա ասւում է նաև. «Իսկ նոյի մարդկանց, երբ առաքեալ-  
ներին սուտ հանեցին, խեղեցինք եւ այս բանը օրինակ դարձրինք  
մարդկանց համար եւ մեծ տանջանք տուեցինք անիրաւներին. Ատն  
ու Սամուսը եւ ալ-Ռասի մարդիկ, բազում սերունդներ կան նրանց  
եւ մեր միջեւ, բոլորին օրինակներ տուեցինք եւ բոլորին կործան-  
ման ենթարկեցինք» (14) :

Ատը եւ Սամուսը (ինչպէս նաև ալ-Ռասի մարդիկ) Արա-  
րական թերակզզու Հնագոյն ցեղերից են (15), որոնցից Սամուսը  
յայնի էք ոչ միայն հին յոյներին, այլեւ ասորեստանեան արձա-  
նագրութիւններում է յիշում: Հստ մահմետական աւանդութեան  
Ալլահը ժամանակին առաքեալիր է ուղարկել այս ցեղերին (16),  
սակայն նրանք չեն հաւատացել նրանց եւ թշնամացել են եւ Ալլա-  
հը զայրացած ոչնչացրել է նրանց: Իսկ Ղովտը Ղուրանում մեծար-  
ւած առաքեալ է եւ Մուհամմէտ մարդարէն նրա ու Սոդոմի ժո-  
ղովրդի միջեւ եղած հակասութեան մէջ տեսնում էր իր եւ Մեք-  
քայի հակառակորդների միջեւ եղած թշնամութեան զուգահեռը:  
Նոյը նոյնպէս Ղուրանում համարուած է մեծ առաքեալ, «րի սի-  
րոյն Ալլահը թերահաւատաներին մեծ պատիժ էր հասցրել:

Ղուրանի յիշած այս ամբարիշտ ցեղերի կրած պատիժը,  
ի հարկէ, որպէս զուգահեռ, յիշեցնում է Մասիս լերան պատժիչ  
հանգամանքը (ամբարիշտ Արտաւազդին պատժեցին Մասիսի քաջ-  
քերը), սակայն արաբները, ելնելով Արաքսի արարական ալ-Ռաս  
ձեւի եւ Ղուրանում յիշուած նոյնանուն ցեղի ձեւական նմանութիւ-  
նից, եղբակացնում են, որ Ղուրանի խօսքերը հենց Արաքսի մասին  
են, իսկ այստեղ յիշուած ցեղը Հայաստանում է ապրել Արաքսի  
ափին եւ իր պատիժը կրել է Մասիս լերան միջոցով:

Այստեղ պէտք է աւելացնել, որ պատժիչ տարերային ուժ էր  
համարում ոչ միայն Մասիսը իր երկրաշրժերով ու Հրաբուխնե-  
րով, այլեւ հենց ինքը յորդառատ Արաքսը իր ողողումներով եւ  
հունի յաճախակի փոփոխմամբ: Յիշենք այդ մասին հռոմէացի մեծ

13) Ղուրան, 50, 12:

14) Խոյնը, 25, 40:

15) Shorter Encyclopaedia of Islam, Leiden, 1953, p. 23.

16) Ph. Hitti, History of the Arabs, London, 1958, p. 30.

բանաստեղծ Վիրդիլիոսի նշանաւոր խօսքերը Արաքսի մասին, որպէս կամուրջ չհանդուրժող գետ (17)։

«Եւ Երասխայն ի կամրջաց ըմբոստ հունք» (18)։

Եազսւտի այն տեղեկութիւնը, թէ Մասիս լերան կատարին Հայոց թագաւորների գերեզմանները կային իրենց գանձերով, ըստ երեւոյթին, իրատեսակ ակնարկ է Նոյեան տապանի մասին, թէեւ Մասիսի տապանակիր լինելու հանդամանքը Բագրատունեաց ժամանակաշրջանից առաջ Հայ պատմիչները չեն յիշում, իսկ Փաւստոս Բիւզանդի մօտ յիշուած Սարարատը (Արարատը) (19) Հարաւային Հայաստանի Կորդուք գաւառի լեռներից է, որն արաբների մօտ Զուտի է կոչում։

Ուշ շրջանում Մասիս լերան հետ է կապում նաև Մծրնայ Ս. Յակոբի պատմութիւնը, ըստ որի, նա բարձրանում էր լեռն ի վեր տապանը տեսնելու, բայց յոգնելով քնում է եւ հրեշտակը երազում նրան յայտնում է, որ տապանից մի կտոր արդէն նրա մօտ է։ Ս. Յակոբ Մծրնացին վերցնում է այդ կտորը եւ իջնում ժողովրդի մօտ։ Ահա այս զրոյցի արձագանդը երկար դարեր յետոյ պատմուելով հասել է մինչեւ մեր օրերը։ Մեր դարի սկզբին Հ. Աճառեանը Մասիս լերան վրայ քրդերից լսել է մի աւանդութիւն հետեւեալ բովանդակութեամբ։ Շատ տարիներ առաջ Մասիսի այս կողմերը, ուր Ս. Յակոբի վանքն է եղել, կոչուել է Լութ, իսկ գիւղը՝ Ախուրի։ Այստեղ ապրելիս են եղել չար եւ ամբարիչտ մարդիկ, որոնցից փախչելով Յաղուր մարդարէն բարձրացել է Մասիսն ի վեր տապանը գտնելու։ Տեսնելով վերելքի ժամանակ նրան կրած չարչարանքները, հրեշտակը մի կտոր բերեց տուեց նրան։ Այդ ժամանակ Աստուած բարկանալով լութի բնակիչների վրայ, հրաբուխի միջոցով Ախուրին մոխիրի վերածեց (20)։

Ի հարկէ այստեղ ակնյայտ է 1840 թուականի երկրաշարժի ու հրաբիսի ժամանակ Ակոռի գիւղի կործանման արձագանգը։ Այսուհենանդերձ, հնից եկող խաւը պարզ կերպով երեւում է յիշեալ

17) Հ. Ս. էփրիկեան, Բնաշխարհիկ քառարամ, Վեմետիկ, 1907, էջ 659։

18) Պ. Վիրգիլեայ Մ. Եմէական, քարգմ. Հ. Ե. Վ. Հիւրմիզեան, Վեմետիկ, 1845, Գիրք Ը., 1090։

19) Փաւստոսի թիւզանդացւոյ Պատմութիւն Հայոց, Վեմետիկ, 1933, դպր. Գ., գլուխ ժ.։

20) Անտառեան, Մծրնայ Ս. Յակոբը Մասիսի քրդերի մէջ, Բանակը, Քարիզ, 1903, էջ 61-62։

զրոյցի մէջ։ Յաղուր (Յակոբ) մարդարէն հալածում է եւ Սասիս լերան միջոցով վրէժ է լուծում Լութի (Ղովտի) ժողովրդից, այս սինքն Սուդոմ-Գոմորից։

Ինչպէս տեսանք, այս զրոյցի մէջ պարզ կերպով երկու խաւ է երեւում՝ հայկական եւ արաբական։ Արարը փոխ առնելով հայկական զրոյցը (հաւանաբար բանաւոր ճանապարհով), նրա վրայ աւելացնում է նոր նիւթեր եւ այսպիսով ստացում է մի հայ-արաբական խառն զրոյց, որի հիմքը հայկական է, բայց ժամանակի ընթացքում արաբական գունաւորում է ստացել։

Արար մատենագրութեան էջերում մենք գտնում ենք նման զրոյցների մի ամբողջ շարք (հայերի ծագման (21), Արայի եւ Շամիրամի (22), Կարնոյ քաղաքի (23) եւ Սասնայ ծոերի մասին), որոնց մէջ նոյն ձեւով հայկական նիւթի վրայ աւելացել է արաբականը, տարով նոր՝ հայ-արաբական խառն զրոյցներ։ Այս բոլոր զրոյցները հայ-արաբական մատենագրական հարուստ առնչութիւնների շատ հետաքրքրական նմոյշներից են։

## THE ARAB FOLKTALE ON MOUNT MASSIS

A. DER-GHEVONTIAN

Mount Massis of the Armenian plateau for centuries has been subject of many folktales. The author of this study represents one of these, mentioned by Arab authors, which has been derived from the incorporation of Armenian and Arab folktales, and which has been related with the folktale of river Araxes. The folktale of Massis — in Arabic Al-Hariss — is found in the geographical and historiographical works of Istakhri (10th c.), Ibn-Hauqal (10th c.), Muqqadassi (10th c.), and Jaqut (13th c.).

21) Ա. Տէր Ղետմելեան, Հայերի ծագման զրոյցի արաբական տարրերակը, Բամբեր Երեւանի Համալսարանի, 1971, թիւ 1։

22) Նոյմի, Արա եւ Շամիրամ առասպեկտի արագածմզք արար պատմիչ Մատուռու մօն, Պատմա-բամակիրական Համդես, 1965, թիւ 4։

23) Ա. Տէր Ղետմելեան, Կարիմ-Թէկոդուպուխը աւանդութեան եւ պատմութեան մէջ, Լրաբեր Հասարակական Գիտուրիւմների, 1971, թիւ 3։